


Ddeddf Cwmnïau 2006



*Ty'r Cwmnïau*  
— er gwybodaeth —

# uno cwmnïau ar draws ffiniau

GPO7 CYM - Awst 2011



**BIS**

GWASANAETH GAN BIS

Mae'r canllaw hwn ar gael mewn fformatiau gwahanol, gan gynnwys Braille, print bras a thâp sain. I gael rhagor o fanylion gweler ein gwefan - [www.companieshouse.gov.uk](http://www.companieshouse.gov.uk) neu anfonwch neges e-bost at [enquiries@companieshouse.gov.uk](mailto:enquiries@companieshouse.gov.uk) neu ffoniwch ein canolfan gyswilt ar 0303 1234 500

## A yw'r canllaw hwn ar eich cyfer chi?

Bydd y canllaw hwn yn berthnasol i chi:

- os ydych yn gyfarwyddwr cwmni sy'n uno a'ch bod yn chwilio am ganllawiau sylfaenol ar y gofynion ynglŷn â ffeilio yn y DU

## Cynnwys

### Cyflwyniad

**Pennod 1.** Cefndir

**Pennod 2.** Gweithdrefn i gwblhau uno cwmnïau ar draws ffiniau

**Pennod 3.** Gwybodaeth Bellach

### Cyflwyniad

Mae'r canllaw hwn yn ateb llawer o gwestiynau mynych ac yn cynnig gwybodaeth ar ffeilio'r mathau mwyaf cyffredin o wybodaeth yn y maes hwn. Nid ydym wedi drafftio'r canllaw gyda thrafodion anarferol na chymhleth mewn golwg. Mae'n bosibl y bydd angen gofyn an gyngor proffesiynol arbenigol o dan yr amgylchiadau hynny

*Canllaw yn unig yw'r llyfryn hwn a dylid ei ddarllen ar y cyd â'r ddeddfwriaeth berthnasol, sef Rheoliadau Cwmnïau (Uno ar draws Ffiniau) 2007/2974*

Dim ond at y gweithdrefnau y mae angen eu cwblhau mewn perthynas â'r Cofrestrydd Cwmnïau yn Nhŷ'r Cwmnïau y mae'r canllaw hwn yn cyfeirio. Nid yw'n cynnwys gofynion eraill sydd wedi'u nodi yn y ddeddfwriaeth berthnasol (sy'n cynnwys cysylltu â'r llys a rhwymedigaethau mewnol eraill y bydd angen i gwmni eu cyflawni ). Rydyn ni'n argymhell y dylech sicrhau cyngor gan gyfreithiwr wrth ystyried uno cwmnïau ar draws ffiniau.

I gael canllawiau manylach ar y rheoliadau ynghylch uno cwmnïau ar draws ffiniau, gweler nodyn cyfarwyddyd BIS sydd ar gael yn [www.berr.gov.uk/bbf/eu-company-law/directives/page19528.html](http://www.berr.gov.uk/bbf/eu-company-law/directives/page19528.html).

## **Pennod 1**

### **Cefndir**

#### **1. Beth yw cydsoddi trawsffiniol?**

Mae Rheoliadau Cwmnïau (Cydsoddi Trawsffiniol) 2007/2974 yn rhoi grym i'r Gyfeireb Ewropeaidd ar Gydsoddi Cwmnïau Atebolrwydd Cyfyngedig ar draws Ffiniau (Cyfeireb 2005/56/EC). Mae hyn yn ei gwneud yn bosibl i gwmni trosglwyddwr drosglwyddo asedau a rhwymedigaethau i gwmni arall fel trosglwyddai, heb fod angen i'r trosglwyddwr ymddatod. Rhaid i'r cydsoddiad gynnwys o leiaf un cwmni a ffurfiwyd ac a gofrestrwyd yn y DU ac o leiaf un cwmni a ffurfiwyd ac a gofrestrwyd yn un o wladwriaethau'r AEE heblaw'r DU.

Mae'n bosibl hefyd i bartneriaethau atebolrwydd cyfyngedig (PAC) uno ar draws ffiniau. Rhan 10 o Reoliadau Partneriaethau Atebolrwydd Cyfyngedig (Cymhwysio Deddf Cwmnïau 2006) yw'r ddeddfwriaeth berthnasol yn hyn o beth. Mae'r ddeddfwriaeth hon yn berthnasol i rai o'r newidiadau a wnaed i Rheoliadau Cwmnïau (Uniadau Trawsffiniol) 2007 er mwyn cymryd y gwahaniaeth rhwng strwythur PACau a chwmnïau i ystyriaeth. Mae'r wybodaeth yn y llyfryn canllaw hwn yn berthnasol i gwmnïau a PACau.

#### **2. Beth yw cwmni trosglwyddwr a throsglwyddai?**

Trosglwyddai – dyma'r cwmni y caiff yr holl asedau a rhwymedigaethau eu trosglwyddo iddo. Dyma'r cwmni fydd yn dal i fod ar ôl cwblhau'r cydsoddiad.

Trosglwyddwr – dyma'r cwmni a fydd yn trosglwyddo'r asedau a'r rhwymedigaethau. Bydd y cwmni hwn yn peidio â bod ar ôl cwblhau'r cydsoddiad.

#### **3. Beth yw'r gwahanol fathau o gydsoddi?**

##### **a. Cydsoddi trwy amsugno**

Achos yw hwn lle bo un cwmni neu ragor yn trosglwyddo eu holl asedau a rhwymedigaethau i gwmni arall sy'n bodoli eisoes. Caiff pob un o'r cwmnïau sy'n trosglwyddo eu diddymu heb ymddatod.

##### **b. Cydsoddi trwy amsugno is-gwmni sydd wedi ei lwyr feddiannu**

Achos yw hwn lle bo cwmni'n trosglwyddo ei holl asedau a'i rhwymedigaethau i gwmni arall sy'n dal holl gyfalaf y cwmni ar ffurf cyfrannau neu warannau eraill. Caiff y cwmni sy'n trosglwyddo ei diddymu heb ymddatod.

##### **c. Cydsoddi trwy ffurfio cwmni newydd**

Achos yw hwn lle bo dau gwmni neu ragor yn trosglwyddo eu holl asedau a rhwymedigaethau i gwmni newydd a ffurfiwyd at ddibenion y cydsoddiad. Caiff y cwmnïau sy'n trosglwyddo i'r cwmni newydd eu diddymu heb fod angen iddynt ymddatod.

## **Pennod 2**

## **Gweithdrefn i gwblhau cydsoddi trawsffiniol**

### **1. Beth sydd angen ei wneud cyn y gellir cydsoddi cwmnïau?**

Dylai cwmni yn y DU sydd am gydsoddi wneud cais i'r llys (yr Uchel Lys neu'r Llys Sesiwn yn y DU) am orchymyn sy'n tystio bod y cwmni wedi cwblhau'r gweithredoedd a'r materion ffurfiol i gwblhau cydsoddiad trawsffiniol, a hynny yn y ffordd briodol. Ar gais credydwr neu aelod o gwmni sy'n cydsoddi yn y DU, gall y llys ofyn bod y cwmni yn gofyn am gymeradwyaeth credydwr neu aelodau'r cwmni i delerau'r cydsoddiad hefyd. Mae yna rwymedigaeth i hysbysu'r cyflogeion am fanylion y cydsoddiad hefyd.

Gall gofynion eraill fod yn berthnasol hefyd yn dibynnu ar y math o gydsoddiad sydd dan sylw.

### **2. Beth y mae angen ei gyflwyno i Dŷ'r Cwmnïau?**

Rhaid i gyfarwyddwyr cwmni yn y Deyrnas Unedig sy'n uno gyflwyno'r canlynol i'r Cofrestrydd:

- Ffurflen CB01 gyflawn ar gyfer cydsoddiad trawsffiniol sydd naill ai'n cynnwys telerau drafft y cydsoddiad neu'n rhoi cadarnhad bod y telerau drafft ar gael ar wefan.
- Copi o unrhyw orchymyn llys sy'n galw cyfarfod o aelodau neu gredydwr a wnaed o dan reoliad 11 o Reoliadau Cwmnïau (Cydsoddi Trawsffiniol) 2007

Rhaid i'r dogfennau hyn gael eu cyflwyno i'r Cofrestrydd o leiaf ddau fis cyn cyfarfod cyntaf yr aelodau (yn achos Lloegr a Chymru, i swyddfa Caerdydd; yn achos yr Alban, i swyddfa Caeredin; yn achos Gogledd Iwerddon, i swyddfa Belfast).

### **3. Pa wybodaeth y mae ei hangen ar y ffurflen cydsoddi trawsffiniol?**

Mae'r ffurflen cydsoddi trawsffiniol yn gofyn am nifer o fanylion y mae'n rhaid eu llenwi ar gyfer *pob* cwmni sy'n uno, sef:

- enw llawn y cwmni
- y rhif cofrestredig
- cyfeiriad y swyddfa gofrestrdig
- ffurf gyfreithiol y cwmni ac o dan ba gyfraith y mae'n cael ei lywodraethu, ac
- enw'r aelod-wladwriaeth, ac enw a chyfeiriad y gofrestrfa lle mae dogfennau'r cwmni wedi'u ffeilio

### **4. Beth sydd angen i mi ei wneud os ydw i am gyhoeddi telerau drafft cydsoddiad ar wefan?**

Rhaid bodloni'r amodau canlynol er mwyn cyhoeddi telerau drafft cydsoddiad ar wefan:

- Rhaid i'r wefan gael ei chynnal gan neu ar ran cwmni yn y DU a rhaid iddi enwi'r cwmni
- Rhaid sicrhau nad oes angen talu ffi i gyrchu'r telerau drafft ar y wefan
- Rhaid nodi manylion y wefan lle mae'r telerau drafft ar gael ar y ffurflen CB01
- Rhaid i'r telerau drafft aros ar y wefan trwy gydol cyfnod sy'n cychwyn mis cyn dyddiad cyfarfod cyntaf yr aelodau, ac yn dod i ben ar ddyddiad y cyfarfod hwnnw.

### **5. Oes yna ffi am ffeilio'r ffurflen cydsoddi trawsffiniol?**

Does dim rhaid talu ffi i gofrestru'r ffurflen hon.

### **6. Ym mha iaith y mae angen i'r ffurflen gael ei llenwi?**

Rhaid i'r ffurflen gael ei llenwi yn Saesneg.

### **7. Ble mae cael ffurflen cydsoddi trawsffiniol?**

Mae'r ffurflen cydsoddi trawsffiniol CB01 neu LL CB01 ar gael ar ein gwefan yn [www.companieshouse.gov.uk](http://www.companieshouse.gov.uk)

### **8. Beth sy'n digwydd i'r dogfennau a anfonir at y Cofrestrydd?**

Bydd y Cofrestrydd yn cyhoeddi hysbysiad bod y dogfennau wedi dod i law yn y *Gazette* Llundain o leiaf mis cyn ddyddiad unrhyw gyfarfod o'r cwmni a elwir at ddibenion cymeradwyo'r cynllun. ac yn trefnu bod y dogfennau ar gael i'r cyhoedd ar y gofrestr cwmnïau.

### **9. Sut caiff cydsoddiad ei gymeradwyo?**

Ar ôl cyhoeddi tystysgrif cyn cydsoddi, dylid gwneud cais ar y cyd i'r 'awdurdod cymwys' yn awdurdodaeth y trosglwyddai. Os yw'r cwmni sy'n deillio o'r cydsoddiad yn gwmni yn y DU, yr Uchel Lys neu'r Llys Sesiwn fydd hyn. Lle bo llys yn y DU yn gwneud gorchymyn, rhaid i gwmni'r trosglwyddai yn y DU a phob cwmni sy'n trosglwyddo yn y DU anfon y canlynol i Dŷ'r Cwmnïau:

- copi o'r gorchymyn llys, dim mwy na 7 diwrnod ar ôl dyddiad ei gyhoeddi;

- manylion y cwmni/cwmnïau sy'n trosglwyddo sydd o'r tu allan i'r DU. Rhaid i'r manylion gynnwys y gofrestr y cofrestrwyd y cwmni ynddi a'r rhif cofrestru yn y gofrestr honno.

Os yw'r cwmni sy'n deillio o'r cydsoddiad yn un o wladwriaethau eraill yr AEE, bydd yr awdurdod cymwys perthnasol yn gwneud gorchymyn i gymeradwyo cwblhau'r cydsoddiad. Rhaid i bob cwmni sy'n trosglwyddo sy'n gwmni yn y DU gyflwyno'r canlynol i Dŷ'r Cwmnïau:

- copi o'r gorchymyn, dim mwy na 14 diwrnod ar ôl dyddiad ei gyhoeddi;

Rhaid anfon cyfieithiad ardystiedig gydag unrhyw orchymyn sy'n cael ei gyflwyno mewn iaith dramor.

## **10. Beth fydd Tŷ'r Cwmnïau yn ei wneud pan ddaw gorchymyn cymeradwyo cydsoddiad i law?**

Pan ddaw gorchymyn llys sy'n cymeradwyo cydsoddiad trawsffiniol i law Tŷ'r Cwmnïau gan yr Uchel Lys neu'r Llys Sesiwn, bydd:

- yn anfon hysbysiad am y gorchymyn i gofrestr berthnasol pob cwmni sy'n trosglwyddo yng ngwladwriaethau eraill yr AEE;
- yn diddymu unrhyw gwmni sy'n trosglwyddo yn y DU o gofrestr y DU ac yn gosod nodyn ar y gofrestr sy'n nodi bod asedau a rhwymedigaethau'r cwmni wedi cael eu trosglwyddo i gwmni'r trosglwyddai o'r dyddiad pan ddaeth goblygiadau'r cydsoddiad i rym.

Pan gaiff Tŷ'r Cwmnïau hysbysiad gan gofrestrfa un o wladwriaethau arall yr AEE am orchymyn sy'n cymeradwyo cwblhau cydsoddiad trawsffiniol, bydd:

- yn diddymu pob cwmni sy'n trosglwyddo yn y DU o gofrestr y DU ac yn gosod nodyn ar y gofrestr sy'n nodi bod asedau a rhwymedigaethau'r trosglwyddwr wedi cael eu trosglwyddo i gwmni'r trosglwyddai o'r dyddiad pan ddaeth goblygiadau'r cydsoddiad i rym.

## **11. Canllaw ychwanegol**

Mae ein staff yn hapus i gynnig cyngor ar faterion cyffredinol megis llenwi ffurflenni statudol. Ni allwn eich cyngorhori o ran pa mor addas yw cydsoddiad trawsffiniol ar gyfer eich cwmni chi..

Os ydych yn ansicr ynghylch unrhyw agwedd ar ffurfio uniad ar draws ffiniau, gofynnwch am gyngor proffesiynol cyfreithiwr.

## **Pennod 3 Gwybodaeth Bellach**

### **1. Sut mae anfon gwybodaeth i Dŷ'r Cwmnïau?**

Cewch gyflwyno dogfennau i'r Cofrestrydd â llaw (yn bersonol neu drwy gyfrwng negesydd), gan gynnwys y tu allan i oriau swyddfa, gwyliau banc a phenwythnosau yng Nghaerdydd, Llundain, Belffast a Chaeredin.

Cewch anfon dogfennau hefyd drwy'r post, drwy'r Gwasanaeth Cyfnewid Dogfennau (DX) neu drwy'r Post Cyfreithiol (LP) yn yr Alban. Os byddwch yn anfon dogfennau, cyfeiriwch nhw at y canlynol:

Lloegr a Chymru:	Yr Alban:	Gogledd Iwerddon:
Y Cofrestrydd Cwmnïau Tŷ'r Cwmnïau Ffordd y Goron Caerdydd CF14 3UZ DX33050 Cardiff 1	The Registrar of Companies Companies House Fourth Floor Edinburgh Quay 2 139 Fountainbridge Edinburgh EH3 9FF  DX ED235 Edinburgh 1 LP – 4 Edinburgh 2	The Registrar of Companies Companies House Second Floor The Linenhall 32-38 Linenhall Street Belfast Northern Ireland BT2 8BG DX 481 N.R. Belfast 1

Os ydych yn anfon dogfennau yn y post, gyda negesydd, gyda'r Gwasanaeth Cyfnewid Dogfennau (DX) ac os hoffech gael derbynneb, bydd Tŷ'r Cwmnïau yn darparu nodyn cydnabod os byddwch yn cynnwys copi o'ch llythyr esboniadol gydag amlen â chyfeiriad a stamp arni er mwyn ei ddychwelyd. Byddwn yn nodi cod bar ar eich copi chi o'ch llythyr, gan nodi'r dyddiad y'i cyflwynwyd, a'i ddychwelyd atoch yn yr amlen a ddarparwyd.

**Sylwer:** nid yw nodyn sy'n cydnabod bod dogfen wedi cyrraedd, yn golygu bod dogfen wedi cael ei derbyn i'w chofrestru yn Nhŷ'r Cwmnïau.

**Sylwer: nid yw Tŷ'r Cwmnïau yn derbyn unrhyw ddogfennau statudol trwy gyfrwng neges ffacs.**

# sut i gyswllt â ni

Fersiwn 3.3 (08/11)

canolfan cyswllt a gwybodaeth: **0303 1234 500**

(Er dibenion hyfforddi a sicrhau ansawdd, fe allai eich galwad gael ei monitro)

mini-com: 029 2038 1245

enquiries@companieshouse.gov.uk

**www.tyrcwmniau.gov.uk**

**Caerdydd:** Tŷ'r Cwmnïau  
Ffordd y Goron, Caerdydd CF14 3UZ

**Caeredin:** Companies House  
Fourth Floor, Edinburgh Quay 2,  
139 Fountainbridge, Edinburgh, EH3 9FF

**Llundain:** Companies House  
21 Bloomsbury Street, London, WC1B 3XD

**Belfast:** Companies House,  
Second Floor, The Linenhall,  
32-38 Linenhall Street, Belfast, BT2 8BG

Am y fersiwn y mwyaf diweddaraf o'r llyfryn hwn, gweler ein gwefan:

**www.tyrcwmniau.gov.uk**



Dyfarnwyd am Ragoriaeth